

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

KM TRADE d.o.o Visoko, Čaršijska bb, ID: 4218204070008, koga zastupa direktor Nihad Mašić (u daljem tekstu: Dobavljač)

zaključili su:

UGOVOR O NABAVCI SPECIJALNE POLICIJSKE OPREME

Lot 3 – Oprema za osmatranje

Član 1.

Predmet ovog Ugovora je nabavka specijalne policijske opreme - Lot 3 - Oprema za osmatranje, za potrebe Uprave policije Ministarstva unutrašnjih poslova Kantona Sarajevo.

Nabavka je pokrenuta putem ograničenog postupka, na osnovu Odluke, broj: 02-11-4-7384/23, od 17.10.2023. godine.

Ugovor se zaključuje u skladu sa uslovima iz tenderske dokumentacije i prihvaćenom ponudom Dobavljača.

Ponuda broj 04/12/2024-3 sastavni je dio ovog Ugovora.

Član 2.

Roba iz člana 1, ovog Ugovora će se isporučiti u roku od 180 (stotinuosamdeset) dana od dana potpisivanja Ugovora.

Ukupna vrijednost ovog Ugovora iznosi;

- 1.158.800,00 (jedanmilijonjednostotinapedesetosamhiljadaosamstotina i 00/100) KM bez PDV-a, odnosno 1.355.796,00 (jedanmilijontristotinepedesetpethiljadasedamstotinadevedesetšest i 00/100) KM sa PDV-om.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će se pod istim uslovima u periodu trajanja ovog Ugovora izvršiti isporuka opreme, za potrebe Uprave policije Ministarstva unutrašnjih poslova Kantona Sarajevo.

Član 3.

Sve troškove isporuke i primopredaje, kao i troškove reklamacije snosi Dobavljač.

Roba će se isporučiti prema tehničkim specifikacijama na području Kantona Sarajevo, Ministarstvo unutrašnjih poslova Kantona Sarajevo, Uprava policije. U slučaju osnovnih primjedbi na ispunjenje ugovorenih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Dobavljač ne dostavi garanciju za uredno izvršenje ugovora u predviđenom roku ugovor se neće smatrati zaključenim.

Član 5.

Nakon isporuke robe koja je predmet ovog Ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja Ugovora.

Član 6.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 7.

Plaćanje izabranom ponuđaču, onosno podugovaraču će se vršiti na sljedeći način: 30 (trideset) dana od prijema fakture za uredno isporučenu opremu bez reklamacija (o

čemu će biti sačinjen zapisnika o prijemu i ispostavljanja fakture, uplatom na tekući račun dobavljača, naveden u ponudi dobavljača.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa. Naplata ugovorne kazne će se izvršiti umanjnjem plaćanja fakturisanog iznosa u visini obračunate ugovorne kazne.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 8.

Ugovorni organ će ugovorenu cijenu plaćati Dobavljaču u roku od 30 (trideset) dana od dana prijema fakture za uredno isporučenu opremu bez reklamacije (o čemu će biti sačinjen zapisnik o prijemu) ispostavljanja fakture, uplatom na tekući račun dobavljača, naveden u ponudi dobavljača.

Član 9.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

Garantni rok za isporučenu opremu iznosi 5 (pet) godina, računajući od datuma isporuke.

Član 11.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz odgovarajuće dokaze.

Član 12.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6

(šest) mjeseci po zaključenju ovog Ugovora, odnosno od početka realizacije ovog ugovora.

Član 13.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 14.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.


Član 15.

Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana.

Član 16.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
KM TRADE d.o.o. Visoko



direktor Nihad Mašić

Broj : 150/25
Datum: 10.02.2025


UGOVORNI ORGAN
MUP KANTONA SARAJEVO
UPRAVLJENJE POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 02-11-4-7384-54/23
Datum: 05.02.2025. godine